

Headline	'Elak sempadan bolos'		
MediaTitle	Berita Harian		
Date	23 May 2020	Color	Full Color
Section	Nasional	Circulation	82,252
Page No	4	Readership	246,756
Language	Malay	ArticleSize	347 cm ²
Journalist	N/A	AdValue	RM 11,534
Frequency	Daily	PR Value	RM 34,603



'Elak sempadan bolos'

PM mahu kawalan terus diperketat, sekat kemasukan pendatang

Putrajaya: Perdana Menteri, Tan Sri Muhyiddin Yassin, mahu kawalan sempadan negara diperketat lagi supaya tiada pendatang tanpa izin yang 'bolos' ke negara ini.

Beliau berkata, ini melihat pada kemungkinan pendatang tanpa izin yang pulang ke negara masing-masing sebelum ini akan balik semula ke negara ini.

"Kalau kita tak jaga betul-betul banyak yang akan datang balik ke Malaysia dan tak ada kawalan di pintu perairan Malaysia, itu akan jadi masalah," katanya pada sidang video bersama wakil petugas barisan hadapan negara yang terbabit dalam menangani COVID-19.

Sidang video kira-kira 30 minit itu disertai wakil Kementerian Kesihatan Malaysia (KKM), Angkatan Tentera Malaysia (ATM), Polis Diraja Malaysia (PDRM), Jabatan Imigresen, Jabatan Bomba dan Penyelamat, Angkatan Pertahanan Awam Malaysia (APM), Agensi Penguatkuasaan Mari-



Anggota PGA bersama pasukan keselamatan lain terus memperketat kawalan sempadan Malaysia-Thailand, di Kelantan. (Foto Nik Abdullah Nik Omar)

tim Malaysia (Maritim Malaysia) dan Jabatan Sukarelawan Malaysia (RELA).

Dalam soal keselamatan maritim, Ketua Pengarah APMM Laksamana (M) Datuk Mohd Zubil Mat Som, berkata pihaknya bersama Tentera Laut Diraja Malaysia (TLDM) dan PDRM giat melaksanakan Op Benteng dengan fokus antara lain diberikan dalam pengawasan pergerakan pelarian dari Myanmar.

"Kami menugaskan anggota dengan bantuan TLDM, kawalan keselamatan di persempadanan Thailand kini amat ketat," jaminmya.

Mengenai kawalan di sempadan negara secara keseluru-

han, Panglima ATM, Jen Tan Sri Affendi Buang yakin ia dapat dikendalikan sebalik mungkin dengan pemantauan oleh ketiga-tiga cabang Angkatan Tentera Malaysia, PDRM, APMM dan Jabatan Imigresen Malaysia.

"Semua agensi terlibat bekerjasama dengan ATM dan sedang berada di kawasan operasi dalam negara.

"Saya pasti apa yang kami khuatir iaitu sempadan negara dibolosi pendatang tanpa izin yang mungkin membawa wabak COVID-19 dapat ditangani dengan berkesan," katanya.

Timbalan Ketua Polis Negara, Datuk Mazlan Mansor, pula berkata pihaknya memasuki fa-

sa baharu dalam aspek kawalan keselamatan berikutan pelaksanaan Perintah Kawalan Pergerakan Bersyarat.

"Kami maklum sambutan Aidilfitri tinggal beberapa hari sahaja lagi, namun dapat dilihat jumlah peningkatan kenderaan orang awam yang ingin balik ke kampung.

"Pelbagai alasan serta tipu helah diguna bagi mereka melepasi sekatan jalan raya didirikan pihak polis," katanya.

Jelas Mazlan, polis kekal dengan pendirian tegas menegakan kompaun terhadap individu yang mengingkari larangan rentas negeri bersempena Aidilfitri hujung minggu ini.

BERNAMA